

при Понтийстем Пилате страдавша и погребенна, и воскресшаго в третий день, по писании,^а и возшедшаго на небеса, и седяща одесную отца, и паки грядущаго со славою судити живым и мертвым, его же царствию несть конца, еже *есть*^б живым и мертвым, живым христианом, а никонияном умершу.^в Якоже и в Видении Иоанна Богослова || написано: «Иже не поклонишася зверю и иконе его и не прииша начертания на челех своих и на руже своей, и ожиша, и воцаришася со Христом тысяща лет». А прочии же мертвецы не ожиша, еже *есть* никониян и прочии еретицы. Дышат, яко коровы, а душами умерли. Не ползовал^г их Христос, от него отступивших. Наше же избранное воинство повсюду страждущих за свидетельство Иисусово и за слово божие, живомом вечным живи. Просто рещи: в нашем полку и мертвых нет. Воскресохом бо со Христом, к тому уже не умрем, смерть на ны к тому не обладает, понеже в той же писано главизне: «Блажен и свят, иже имат часть в воскресении первом, на них же^д смерть вторая не имат области, но будут иереи богу и Христу, и воцарятся с ним во веки».

Ну, мученики, чево ж лутче сего хотеть?^е ... смерть вторая не имат над нами области. По силе ныне, яко попы, а преселившеся отсюду будем со Христом, яко цари. Ну, миленькие священники, пойте, батюшки мои, пойте, светы, песни красныя. На мертвецов — тех, на бля...^ж

(ГЛБ, О. XVII. 37, л. 7–7 об.).

VI

л. 28 ... в страсти безчестия впадает, в блуды и разбой, и иная злая: клеветы, и обиды, в хищение и пьянство, и прочая, яже в мире видима бывают и невидимая злая. Не токмо мужие, но и жены, и ропятка-щенятка козням сотонинным извучны. И так то поемлюще друг на друга, все колесницею текут, яко з горы, от бога во ад преисподней.

Как помышляеш, бог^а ли поганяет в погибель? Да не будет, но дьявол споспешествуя, яко прежде потопа и в Содоме и Гоморе, ожесточивает сердца^б непокоривых, дондеже и погибнут. Из них же, окаянных, бог промыслом своим своих восхищает, яко рыбарь из моря удою рыбу, по человску, и по два, и по три во граде уловляет, а во ином месте яко неводом и трудою зацепит. Потщимся, братие, любовию притецы к богу, да же л. 28 об. праведных не лишимся части, почтим достояния нашего образ, || уподобимся Христу, будем и мы, якоже Христос, зане и Христос, якоже и мы: восприят всю со страсти плоть нашу, кроме греха, сиречь немоществуя, яко человек плотию, боаяшеся и потяше, нашего ради спасения претерпе крест, о срамоте не радив, смерть вкусив, воскресе и вознесеса, и седе одесную бога и отца. Седит на престоле царсте, дондеже упразднит всяко начальство и всяку власть и силу, подобает ему царствовать. Таже со владыки небесными придет судити и воздати комуждо по делом его. Лениве и неключимый рабе что успеет тогда? Нынешняя суета наша и нерадение о души бедной, к тому же, яко в пьянстве, во гневе напыщения и в злобе друг друга угрызая, довлело бы нам и от еретиков-тех

^а Испр.; в ркп. писаниих. ^б Испр.; в ркп. стерто. ^в Испр.; в ркп. окончание стерто. ^г Испр.; в ркп. не ползова. ^д Испр.; в ркп. на них же повторяется дважды. ^е Далее в ркп. одно слово стерто. ^ж На этом текст обрывается.

^а Испр.; в ркп. богу. ^б Испр.; в ркп. сердыца.